



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput II. Explicatur honor ex Dei præcepto parentibus debitus.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

mitteret, juxta Tridentinum sess. 22. cap. 2.
49 Dices 2°. saltem sequeretur, fideles in affectu peccati perseverantes, tot novorum peccatorum reos esse, quot Missa toto terrarum orbe celebrantur: cum nulla sit, in qua suo modo offerentes non sint. Etiam ista sequela neganda est. Neque enim Christiani omnes, quocumque in statu sint, sive dormiant, sive vigilent, sive cum Deo sint, sive

cum meretricibus, &c. Missa Sacrificii sunt participes. Cum istud afferere, fingere sit. Hoc unum dicimus cum Chrysostomo: Quod modo cum dominus adest in mensa, non oportet adesse famulos qui offendunt, nisi veniam petant; ita hic quoque, cum offeratur sacrificium, &c. Ne ipsis dicatur: Cur intrasti non habens vestem nuptialem?

PARS IV.

Amor parentibus obsequiosus.

Ad quartum Decalogi praeceptum: Honora patrem & matrem, &c.

1 **D**icit explicata tribus prioribus prima tabula praeceptis officia divini amoris erga Deum; explicanda superius officia dilectionis erga proximum, ad secundam tabulam spectantia. Quia, ut Augustinus dicit in l. de decem Chordis c. 6. *in duobus praeceptis est, dilectione Dei, & dilectione proximi.* Ad duo itaque praecepta, id est ad dilectionem Dei & proximi, pertinet Decalogus. *Ad primum praeceptum tres chordae pertinent, quia Deus Trinitas; ad alterum vero praeceptum, id est ad dilectionem proximi, septem chordae, quomodo vivatur inter homines.* Nam ipse numerus septenarius, tamquam septem chordarum, incipit ab honore parentum. Honora patrem tuum, & matrem tuam; ad parentes etenim suos homo aperit oculos, & hac vita ab eorum amicitia sumit exordium. *Quis quis autem suis parentibus non defert honorem, quibus parcere poterit?* Et dicit Apostolus: Honora patrem tuum & matrem tuam, hoc est primum mandatum. *Quomodo primum, quando quartum mandatum est, nisi quia in septenario numero est primum?* *Ad dilectionem proximi primum est in secunda tabula.*

2 Nec obstat quod aliquibus aliis magis obstricti esse possumus, quam parentibus, quodque aliqui alii Deum magis representare possint. Sancta namque Barbara v. g. magis obstricta fuit ei qui ipsam in fide instruxit, & ad vitam æternam perduxit, quam parenti carnali, à quo vitam temporalem dimitivat accepit, qui & eam ipsi violenter abstulit, & ad idololatriam pertrahere voluit. Summus quoque Pontifex, seu Christi Vicarius, magis representat Deum, quam pater carnis. Objectiones namque istæ cessant, si reflectatur, quod parentum nomine, in primo illo secundæ tabula præcepto, soli non intelligentur parentes, qui corpore nos generunt, sed & illi qui nos generunt mente, ut proxime videbitur. Sit itaque

CAPUT I.

Explicatur quinam in hoc præcepto parentum nomine sint intelligendi.

3 **P**reter eos qui nos generunt, multi præterea sunt (ait Catech. Rom.) quos in

parentum loco colere debemus, vel potestatis, vel dignitatis, vel utilitatis, vel præstantis alicuius munieris & officii nomine. Sed primo loco parentum nomine illi intelliguntur, ex quibus corporaliter geniti sumus, de quibus Eccli. 3. *Qui timet Dominum, honorat parentes;* & quasi dominis serviet his qui sogenuerunt. Deinde Ecclesia, Pafiores & Sacerdotes nos spiritualiter in Christo generunt, juxta illud 1. Cor. 4. *In Christo Iesu per Evangelium ego vos genui.* Et ad Galat. 4. *Filioli mei, quos sterum parturio, donec formetur Christus in vobis.*

Tertio Reges & Princes nostri, Magistratus ac Reipublicæ Rectores, ac Gubernatores, sicut patres patriæ, sic patres nostri rectè dicuntur. Et ita Naaman à servis suis pater vocatus legitur 4. Reg. 5.

Quarto, etiam illi quorum directioni & instructioni commissi sumus, ut tutores, curatores, patroni, paedagogi, magistri (sicut & heri respectu famularum & ancillarum) partes nostri appellantur: quia universum partes nostri sunt, à quibus accepimus vel esse, vel educationem, vel directionem, vel instrutionem.

Quinto, seniores etiam patres dicimus. Unde Levit. 19. *Coram cano capite conforger, & honora personam senis, & time Dominum Deum tuum,* &c.

Ad litteram tamen, in hoc quarto præcepto, illi qui nos generunt præcipue intelliguntur, & idē à nobis honorandi sunt, quia sunt immortalis Dei quasi simulacra, in ipsis ortis nostri imaginem innemur; ab ipsis virtutibus data est; tis Deus ipsis est, ut nobis animum inservientem imperiret; ab ipsis ad Sacramenta deducti, ad Religionem, ad humannum cultum civilemque instituti; ad morum integratem & sanctitudinem erudi sunt, ut loquuntur Catechismus Rom. hic.

CAPUT II.

Explicatur honor ex Dei præcepto parentibus debitus.

Honor parentibus debitus importat sequentia: 1°. ut parentes summo potest Deum amore prosequamur, maximâque ob-

servantia veneremur, velut Superiores nostros, modo proflus speciali Deum representantes, velut Creatorem, Conservatorem, Gubernatorem, & Proviforem nostrum.

2°. ut ipſis per omnia, velut Deum representantibus, affectu filiali voluntariè obediamus, juxta illud Pro. i. *Audi filii mi disciplinam patris tui, & ne dimittas legem matris tuae.* Et Ephel. 6. *Filius obediens parentibus vestris in Dominino: hoc enim iustum est. Honora patrem tuum, & matrem tuam: quod est mandatum primum in promissione: ut benè sit ubi, & sis longeius super terram.*

3°. ut ea quæ parentum sunt, filii sibi attrahant velut sua, parentum scilicet honorem & bona, tam spiritualia, quam temporalia. Hoc est enim quod Catechismus Rom. sibi vult, dum ait, *quod proles obdebeat ea quæ parentum sunt maximi pñare.*

6 Tres itaq; obligationes capitales sunt, ex quibus plures aliae consequuntur: ut quod cordi nobis maximè esse debeat salus ipsorum; quod necessitatibus ipsorum spiritualibus corporalibusque teneamur pro posse subvenire; de ipsis semper honorificè loqui; defectus ipsis regere, & supportare, juxta illud Eccli. 3. *In opere & sermone, & omni patientia honora patrem tuum.... Ne glorieris in contumelia patris tui: non enim si tibi gloria, ejus confusio. Gloria enim hominis ex honore patris sui, & dedecus filii, pater sine honore. Filius scilicet sanctam patris tui, & non contristes eum in vita illius: & si defeceris sensu, veniam da, & ne spernas eum in virtute tua.... Quam mala fama est, qui derelinquit patrem, & est maledictus a Deo, qui exasperat matrem, &c.*

7 Omnes, quos sive in Scripturis sanctis, sive in historiis legimus Deo fuisse gratos, valde solliciti ista observarunt, ac per hoc Dei benedictionem promeruerunt, ut Sem & Japhet, Isaac, Jacob, Joseph; ex adverso maledictionem incurserunt, qui contra fecerunt, ut Cham, Esaü, Absalon, &c. Ipsumque naturæ lumen obligationem istam tam aperte docet, ut de ipsis quoque Ethnici convenient, & qui ex ipsis lumen naturale magis sequendo ceteris minus aberraverunt, valde solliciti fuerunt, ne in ipsis deficerent: ita ut pudor sit, inter Christianos, lege Dei instructos, non paucos inveniri, qui contra preceptum honorandi parentes, multo plus delinquent quam pagani.

8 Ipsi si non deterreant maledictiones filii inobedientibus comminatae; saltē ad debitum honorem parentibus exhibendum invirent divina benedictiones, quibus honorem illum divina commendat Scriptura, dicens: *Sicut qui thesanizat, ita & qui honorificat matrem suam. Qui honorat patrem suum, jucundabitur in filiis, & in die orationis sua exaudiatur. Honora patrem tuum, ut semper veniat tibi benedictio ab eo, & benedictio illius in novissimo maneat. Benedictio patris firmat domos filiorum;*

maledictio autem matris eradicat fundamenta.

Ad hoc insuper provocare debet Christi exemplum, qui, licet Deus esset, beatissima tamen Virgini Matri sua, & S. Josepho, honorem parentibus debitum deferre voluit, & ne quidem in cruce pendens, moxque morturus, dilectissimæ Matri sua curam neglexit, eam S. Joanni Virginem virgini commendando. Ad quod reflectens Augustinus tr. 119. in Joan. *Facit (inquit) quod faciendum admonet, & exemplo suo instruxit Præceptor bonus, ut à filiis suis impendatur cura parentibus; tamquam lignum illud, ubi fixa erant membra morientis, eriam Cathedra fuerit Magistri docentis. Ex hac fana doctrina didicerat Paulus Apostolus quod docebat, quando dicebat: *Siquis autem suis, & maximè domestica, non provideret, fidem negavit, & est infidelis detestor. Quid autem tam cuique domesticum, quam parentes filiis, aut parentibus filii? Hujus itaque saluberrimi præcepti ipse Magister Sanctorum, de seipso constituebat exemplum, quando non ut famulæ Deus, quam creaverat, & regebat; sed ut Matris Homo, de qua creatus fuerat, & quam reliquerat, alterum pro se quodammodo filium providebat.**

Et quæ non ingratitudo est, quod proles tot beneficis à parentibus affecta, ea ipsis officia reculerint, quæ ipsummet naturale lumen ab ipsis postulat? *Memento (ait Scriptura Eccli. 7.) quoniam nisi per illos natus non fuisses; & retribue illis, quoniam & illi tibi. Honorarem habebis matris tua omnibus diebus vita ejus (ait Tobias senior juniori:) memor enim esse debes, que & quanta pericula passa sit proprietate in meo suo. Mari (inquit Ambrosius l. 2. in Luc.) debes pudoris injuriam, virginitatis dispensationem, parisi periculum, Mari longa fastida, Matre longa discrimina, cui misera, in ipsis votorum fructibus, maius periculum est; & cum ediderit quod optavis, partu absolvitur, non timore. Quid anxios pares loquar pro filiorum profectis, & multiplicatos alienis usibus census, jactaque agricola semina, posterorum eratibus profutura. Ninne pro his obsequia satem oportet rependi?*

CAPUT III.

Recensentur præcipui filiorum defectus, contra honorem parentibus debitura.

Primus defectus, certè non parvus, est tit contemptibiliter agere cum parentibus serio laborantibus, vel etiam defectuosis. Contra hunc defectum procedunt verba supra relata Ecclesiastici: *Suscipe sanctam patris tui, & non contristes eum in vita illius: & si defeceris sensu, veniam da, & ne spernas eum in virtute tua.... Nam pro peccato matris (id est pro defectu patienter tolerato) restituetur tibi bonus. Meminerint filii, quod honor parentibus debitus non fundatur in perfectionibus quas habent, sed in aliis titulis n. 4 recensis- tis; quoddque proinde, ob imperfectiones*